

故溺於愛而遂生立如意之意也然以四皓一言終不廢太子而立如意此所以基四百年之長遠也古人之愛士其氣像如此自 上當於此留念焉○日微暈夜月暈坤方艮方如火氣癸酉日暈兩珥夜月暈流星出昂星下入西方天際狀如拳尾長二三尺許色白四更流星出柳星下徐行入坤方天際大如鉞尾長一丈許色白五更流星出天紀星入織女星狀如拳尾長一二尺許色赤

甲戌 上親傳先農祭香祝○冬至使鄭裕還自京師 上親

迎勅書

時進獻 朝鮮國王 咨文 諭旨

皇帝賜銀兩絲段 遣來奏進紙張 具見恭順朕用嘉

示勸酬之意 王宜益篤忠誠 光我藩服 欽哉 告諭

以經席所啓殺子事收議于三公三公議曰李龜壽所啓四寸

兄弟相鬪而兩家各殺其子相圖賴之言臣等未嘗聞之及今

始知深歎世道人心之薄惡一至於此也雖蚩蚩之氓不勝忿

怒所為而其殘忍至此從重究治有不足惜但帝王用法自有

定制不可因一時之議而有所低昂大明律殺子孫及奴婢圖